

Budaya Melayu: Syor luaskan kpd bangsa lain



ENCIK ROHAN

Pencak silat
BADAN-BADAN kesenian di sini disarankan supaya jangan menghadkan kegiatan seni budaya Melayu, hanya kepada orang-orang Melayu saja. **-6 MAY 1980**

Sebaliknya, mereka hendaklah meluaskan penglibatan seni ini kepada bangsa-bangsa lain. Demikian kata Anggota Parlimen Telok Blangah, Encik Rohan Kamis.

Berucap di majlis malam Persatuan Alhak di Hotel Shangri-La, Sabtu lalu, Encik Rohan berkata bahawa perluasan penyertaan itu akan memberi peluang kepada bangsa lain, memahami kesenian budaya Melayu.

Sementara itu, dia juga mengingatkan para pesilat agar berwaspada dalam mempelajari ilmu silat, terutama sekali yang berkaitan dengan kebatinan. Kera-

na mungkin ada ajaran yang tidak cocok dengan ajaran Islam.

Katanya: "Seni kebudayaan Melayu dalam bidang persilatan adalah luas. Tetapi biarlah saya tekankan di sini bahawa dalam mempelajari ilmu silat, terutama sekali silat kebatinan, kita mestilah berwaspada dan mengelakkan ajaran yang tidak cocok dengan agama Islam."

Demonstrasi

Awal dari itu, Encik Rohan telah melahirkan perasaan bangganya kerana ada persatuan-persatuan di sini yang ingin membangkitkan dan mengembangkan seni dan kebudayaan Melayu.

Lebih dari 500 orang menghadiri m...
lis jamutari tersebut. Antara ac...
acara yang dipersembahkan i...
demonstrasi silat Alhak oleh para...
ta mereka.

Peraduan Esei: Tak ada karya dlm B. Arab

Pencak silat
TIDAK ada peserta peraduan mengarang esei anjuran Persatuan Islam dan Pencak Silat Singapura (Perpensis), yang menghantar karya mereka dalam bahasa Arab.

Sementara hanya satu saja penyertaan bahasa Inggeris yang diterima. Demikian diberitahu oleh Ketua Seksi Pelajaran Perpensis, Hajah Kamsiah, dalam majlis penyampaian hadiah yang diadakan di Madrasah C. Aisah Juhdi (pertama), Mohd. Rashid Yus (kedua) dan Nuraimah Haji Akib (ketiga).

Hadiah2

Bahagian B pula ialah A. Manaf Mohd Yasir (pertama), Noraidah Haji Akib (kedua) dan Siti Fatimah M. Zainal (ketiga). Sementara Bahagian C, Aisah Juhdi (pertama), Siti Alawiyah M. Zainal (kedua) dan Muhammad Bahtier Anang (ketiga).

Peraduan tersebut dianjurkan oleh Perpensis bersempena dengan perayaan Maulud Nabi bagi tahun Hijrah 1400 dan terbuka kepada penduduk Singapura saja.

Setiap pemenang pertama menerima \$100, \$150 dan \$200, mengikut peringkat yang telah ditetapkan. Hadiah-Hadiah telah disampaikan oleh Haji Mohamed Amin dari Lembaga Biasiswa Kenangan Maulud (LBKM).

Kanak2 tunjukkan bakat dalam seni silat

Pencak silat
DUA orang budak ini nampaknya sedang berusaha bersungguh-sungguh untuk menegalahkan antara satu dengan lain (lihat gambar).

Tetapi, sebenarnya mereka bukan berlawan untuk merebut hadiah, sebaliknya ingin menunjukkan kebolehan masing-masing dalam seni silat.

Seni Silat Kuningan ini adalah antara acara yang dipersembahkan oleh Himpunan Queenstown, dalam pesta kecil jualan amal Unit Wanita himpunan itu yang berlangsung di pekarangan Masjid Hang Jebat semalam.

Jual murah

Pesta itu telah dimuatkan dengan jualan murah, dan hasil dari kutipannya akan dibahagi kepada dana Masjid Hang Jebat dan sebahagian lagi untuk Himpunan Queenstown. Isteri Pemangku Menteri Halehwal Masyarakat, Cik Rugayah Mattar, telah merasmikan pesta tersebut.

Pertubuhan silat jangan dijadi alat - Adib

Pencak silat
MELAKA, Rabu — Pertubuhan-pertubuhan seni silat diingatkan jangan menjadi jentera politik mana-mana parti.

"Saya tidak rela melihat badan-badan seni silat dijadikan jentera politik kerana ini akan merosakkan seni silat yang menjadi warisan nenek moyang kita," tegas Ketua Menteri, Encik Mohd. Adib Haji Mohd. Adam hari ini.

Beliau bagaimanapun menyokong langkah pertubuhan atau badan seni silat yang berjuang untuk kepentingan politik negara ini.

"Saya alu-alukan pertubuhan atau badan seni silat yang berjuang kerana mempertahankan kepentingan politik negara demi keselamatan rakyat, bangsa dan agama," katanya.

Ketua Menteri memberitahu demikian sewaktu berucap merasmikan Mesyuarat Agung Pertama Majlis Gabungan Seni Silat Negeri Melaka di Dewan Institut Kemahiran MARA Melaka pagi tadi.

Encik Mohd. Adib menegaskan, pertubuhan seni silat mestilah dipelopori oleh mereka yang benar-benar memahami apa itu seni silat.

PERSATUAN Islam dan Pencak Silat Singapura akan mengadakan mesyuarat agung tahunannya yang ke-12 hari ini, mulai 9.00 pagi di Madrasah Al-Maarif Al-Islamiah, di Ipoh Lane. Anggota-anggota persatuan itu diminta hadir. **29 JUN 1980**